

Psycólogo Dimitri Halley y arte como potret di e alma

ORANJESTAD - Dimitri Halley ta un Psycólogo Arubiano specializá den cura di mente y curpa.

E ta trata su patientnan como personanan completo, na lugar di apenas considerá nan debilidatnan como sintomanan separá.

E ta usa e perspectiva di Jungian den su trabao, y ta trahando actualmente cu modelonan original di male sa físico.

El a studia maneho di mente y curpa y ta preferá e método di yuda hende pa comprendé con pa traha riba e aspecto emocional di nan enfermedad físico. Su estudionan y investigacionnan a revelá cu enfermedad físico ta forzosamente mezclá cu e aspectonan emocional.

Dokterman por trata e mecanismo di enfermedad cu remedinan y otro tratamentonan convencional, pero cura ta mas completo ora sintomanan fundamental ta wordo tratá cu psicoterapia manera Carl Jung a siñé.

Concentracion psicológicota e regla fundamental di e



studionan y enseñanza aki, y e teoríanan di Jung ta excelente pa e coneccion di mente y curpa.

E filosofía di Dr. Halley ta uno di tratamiento individual basá riba e curpa interno - mirando den e mundo di e patient y haya loke tur individual tin único den nan. E ora ey e ta planeá un tratamiento personal pa cada patient.

E no ta categorizá problema-nan emocional, pero na su lugar e ta tuma un asercamento mas directo dor di apenas trata e sintomanan solamente. Mayoría hende tin un tipo di problema físico, y e ta gusta incorporá tur e informacionnan aki di un persona pa trata e problemanan físico y emocional hunto.

Dr. Halley lo haya su PhD. di e Vrije Universiteit na Amsterdam Hualnda pronto. El a ricibí un "Masters Degree" den Psicología na 1993 for di e mesun instituto. E tabata den practica pa 6 aña en total, y su manuscrito ta wordo publicá awor. El a studia y specialisá den maneho di mente y curpa.

El a nace na Aruba, dia 31 di Maart 1967, y ta traha pafor di




su cas. Dia 7 di Augustus el a duna un lectura na Eterno Gallery, na J.G. Emanstraat 92, tocante e biahe di alma den arte. Presente tabata diferente artistanan talentoso y creativo di Aruba.

Nan tabata Renwick Heronimo y Osaira Muyale, artistanan y doñonan di e Galeria, hunto cu Yahaira Salas. Muyale y Salas actualmente tin nan trabao den exposicion na e galeria.


Un citacion di e lectura di Dr. Halley ta lo bisa siguiente: "E esencia di arte ta e toke di e alma. E alma tin su trono den e sentimentonan mas profundo (love and pain). Den e santuario mas profundo aki nos ta haya e figuranan universal di emocion. E blueprintnan di nos fihamento di emocionnan aki ta wordo encontrá como símbolo y imagennan den e mas profundo di nos mente, formando retratonan di e alma di un hende. E retratonan di e alma a wordo yamá "arqueotipo" dor di e psiquiatra Suizo, Carl Gustav Jung. Tur e imagennan aki hunto ta forma un conhunto di biahe di e alma. Nan ta señalnan di e gran pasahenan cu ta marca e biahe di hende.

Arte real ta representá realmente e momentonan culminante di e biahe dor di cual cada alma mester pasa aden. E momentonan aki ta endurecé e pasahenan dor di bida cu nos tur mester wak di pasa dor. Arte real ta duna pues un conhunto na promé lugar, di e fasenan primordial di e biahe di e alma. Arte pues ta ilustrá fasenan expresivo den bida, dor di arte, casi semper ta búscala salida for di barrera di e biahe.



Picasso, James Joyce, Goethe etc., a subi pa conhuntonan sin prijs di e fase for di e descendiente den securidad di e alma. Nanta prenominationnan di unda ful e planeta ta pegá awor. Arte Genuino ta revelá finalmente e parti emocional den terminonan di imagen cual

ta reemplazá e misterio di e biahe di nos alma. E relacion di e imagennan, ta surgi e arte den e artista, e biahe individual di artista a wordo discutí den e texto aki. Tambe e relacion di e imagennan mas profundo den e arte di Aruba como un 'vis-a-vis' di e biahe di e nacion y su



importancia di e pasahenan pa cu e biahe a wordo enfatizá.

Workshopnan lo wordo duna den futuro basá riba e análisis di e arte di e participante individual den relacion cu su biahe. E trabao analítico aki haci en parti riba e arte di e participantenan lo culminá den e isolacion cutemnan colectivo y imagennan cu simultaneamente ta emergé for di e workshop individual, cual ta

revelá aspectonan di e biahe. Dene isolacion akinos lo explorá etemnan colectivo/imagennan 'vis-a-vis' di e biahe di alma di e grupo, den un intento pa haya un bista di e biahe di alma di Aruba."

Pa informacion riba e workshop di Dr. Halley tocante e bista di arte di e artistanan local, tuma contacto cu Eterno Gallery na tel: 839484.